

PANGUNA TRABEL SLEK GEN

Inap tupela de long nba wan wik bilong Me a olsem 1000 wokman ng Panguna i go wel geta, i brukim ol haus bagarapim planti man na ka, i pait wan-im 200 plisman i bin ai i kam long Rabaul Port Moresby. As bilong trabel: ol laikim moa pe. Ol yun lida i bungim ol i long toktok wantaim hetman bilong kopa mpani. Plis i go wan-im ol, i laik helpim . Tasol sampela man i rapim bel bilong ol,

ol i kirap stonim ol plisman na i go wel nau. Bihain long 2-pela de plis i pasim moa olsem 1000 man. Ol i bin yus-im 100 bom i save mekim man i krai. Na bihain tu planti man i les pinis na i hangre olgeta na i givim ol yet long han bilong ol plisman. Tasol nau i no gat spes bilong kalabusim ol. I no gat ples bilong slip; i no gat inap kai-kai. Liklik taim bai ol wetkot ya i kisim sik. Tupela jas i hatwok long mekim kot na ol i

kalabusim 24 lida inap long 4 mun wan wan. Tasol planti wokman tu i no gat asua na i go fri. Gavman i wari. Na bihain long sampela de em i kirap lusim 800 wetkot i go fri bipo em i kisim orait bilong kot. Olsem nau ol jas i kros. Gavman i kros, kampani tu, ol lida tu, ol plis tu, ol wokman tu. I no gat wanpela man i win. Olsem Pita Lus i tok: "Toktok pastaim bilong stretim wari, em i pasin tru bilong PNG. Yumi no save pait pastaim."

LUKIM INSAIT:

- Mani no gat pawa.. 2
- Bilum kamap we?... 5
- Bai mi kilim yu... 6
- Soldia i win..... 7
- Poto stori..... 8
- Autbot moto skul.. 9
- Yu harim pinis?... 11
- Smatpela meri.... 13
- Fantom..... 14

Bikpela taim nau

Long namba wan na tu wik bilong Jun, Haus ov Asembli i kamap olsem Konstituen Asembli bilong vot long Konstitusen, em as lo bilong kantri.

WANTOK i gat wanpela spesel ripota na man bilong kisim poto long ol dispela samting. Bihain inap planti yia bai ol tumbuna bilong yu i tok long dispela ol de. Yu wet na WANTOK bai stori long yu long ol toktok na wok bilong gavman long dispela taim.

Hailans nius stat

Dispela taim mipela i statim HAILANS NIUS, em 4-pela spesel pes insait long WANTOK i gat ol nius bilong Hailans tasol. Lain sumatin bilong Tisa Koles long Hagen i wokim. Raitim nius i go long ol: WANTOK, BOX 274 MT. HAGEN.

~~~~~  
SMOKIM OL TRU, PORO

Soldia hia i sutim ol birua tru bilong PNG, em ol natnat. Ol soldia i wok hia long Sepik na i helpim ol pipel.

**K1,000 wetim yu insait long pes 13**



# PAS I KAM LONG EDITA

Sapos yu gat tok, yu raitim sotpela tasol. Sapos yu raitim longpela, bai mipela i sotim. Yu mas raitim nem bilong yu tru long olgeta pas i kam long mipela. Sapos yu no laik mipela i prinim nem bilong yu tru, orait yu raitim wanpela narapela nem bilong yu.

## DAI LONG HELPIM YU

Dia Edita.- Nau mi laik autim liklik wari bilong mi. Planti taim mi harim long redio long sampela tok egens long ol misin. Planti pipel tude i no gat liklik rispek long ol tarangu misin, na oltaim givim kik long ol.

Mi laik tok save olsem. Sapos yupela ol pikinini bilong tude i no gat save long wanem samting ol misin i bin mekim long kamapim dispela kantri bilong mipela, plis go askim ol papa bilong yupela o tumbuna bilong yupela sapos ol i no dai yet.

Long taim ol misinari i bin kamap namba wan taim inap nau, bikpela wok moa ol i bin mekim:

1.) Bringim tok bilong God. Rausim spia na banara, stapim kros na pait. Bringim ol pipel em bipo ol i save pait wantaim arapela long kam bung wantaim long misin stesin na kisim skul long tok bilong God.

2.) Kirapim skul lainim ol manki long rit na rait na long jiografi na haijin. Long Is na Wes Sepik Distrik bipo long Woa, i no gat wanpela skul bilong gavman - ol bilong misin tasol.

3.) Wokim ol haus sik na lukautim ol sikman, olsem tu long ol meri i laik karim pikinini.

Long mekim ol dispela wok ol i yusim mani bilong ol yet, em ol gutpela katolik bilong Yurop, Australia, na Ame-

rika i givim long ol.

Olsem gutpela wasman bilong mipela, ol sipsip bilong banis bilong God, ol i no lusim mipela na ranawe i go long ol ples bilong ol long taim bilong namba tu bikpela woa. Nogat. Ol i stap strong wantaim yumi. Planti long ol i lusim laip bilong ol wankain olsem mipela. Na planti long ol i kisim sik nogut na i dai bikos i no gat gutpela marasin. Planti long ol i dai long hangre bikos ol i no gat kaikai.

Yet, ol i stap wantaim mipela. Na karim olgeta pen na trabel olsem trupela sitisen bilong Papua Niugini. Planti long ol i dai stret long han bilong ol Japan. Long raifel, long masin gan na long bainat. Tasol i no gat liklik komplek i kamap long maus bilong ol.

Long lukluk bek gen long stori bilong mi, ating yupela olgeta i ken ting olsem mi. Ol kain man olsem i sitisen tru bilong dispela kantri.

Wolfgang Sausi,  
Warabung/E.S.D.

## SEM LONG RAIT

Dia Edita.- Mi laik autim wari bilong mi. Em i go olsem, mi oltaim save ritim Wantok Niuspepa na mi save ritim ol tok o stori.

Nating i gutpela long yupela i no ken traim long raitim nabaut ol kain kain tok long ol man o meri i save mekim long ples. Em i gutpela long raitim gutpela

stori long wanem samting i save kamap long ples. Olsem i gat sampela wantok bilong yupela i stap longwe, ol tu i laik harim wanem samting i kamap long distrik bilong ol.

Em i no gutpela long ol i baim Wantok Nius na mekim ol i sem o lap long olkain stori bilong yupela. Em i wankain, mi tu mi save harim olkain tok i kamap long ol wantok bilong mi long ol toktok hambak.

Traim na tingting pastaim na rait. Em tasol long wari bilong mi em mi kamapim, yu husat i gat belhevi rait tasol long Wantok Niuspepa. Tenkyu.

Harry Maoni,  
Bougainville.

## MANI NO GAT PAWA

Dia Edita.- Mi laik askim yupela ol brata na susa long wari bilong mi, wari bilong mi i go olsem: Tru mani bilong mipela i gutpela na i luk nais tasol mi ting em i no gat pawa long en.

Bikos em i no gat het bilong man long en. Yumi mas putim het bilong Chif Minista, Michael Somare long en, long wanem em ipesman bilong lidim kantri. Ol man i kamap bihain i ken lukim pes bilong man i lidim kantri bilong mipela nambawan taim tru.

Na narapela askim i go olsem: Dispela nem Kina na toea em i nogut tru na i hat tru long kolim. Na tu mi save harim planti man i yusim nem bilong mani olsem tok nogut.

Dispela nem Kina i no

gat hap bilong tok r gut, tasol planti man save tok nogut long e Em tasol ol brata susa. Sapos yupela gat wanem kain war rait tasol long Want Niuspepa.

Richard Sedy Pill  
Panguna/Bougainville

## PILAI LAKI

Dia Edita.- Hia na mi laik bekim pas bilong man ya Francis Ramun Buaram.

Yes wantok, yu to olsem Hailans em i ples tru bilong pilai laki na winim mani bilong narapela man. Brata, yu lus tru lor Hailans man i save wirim mani bilong arapel man a?

Brata, mi laik toki yu long tingting bilong mi, mi ting em i krank tru na rabis long to olsem. Mi laik askim y Mama bilong yu i sav skulim yu long ples lor rit na rait na long c we bilong mekim kantri i go het, o nogat?

Mi tokim yu stret, c tisa ol i gat gutpela wok long helpim pikinini i kisim gutpela sav long mekim wok bisni long mekim kantri i go het. Na lukim ol tisa pilai laki insait lon banis bilong skul, ting dispela pasin helpim pikinini long o gutpela samting?

Pren, yu opim ai n lukim. Ol tisa ol piksa tru bilong ol pikinini ol i ken lukim na bihainim ol. Mi no sutim tok long ol tisa na mi no mauswara.

Yes wantok yu tok olsem, yu mas tingting gut pastaim na rait long nius. Yes poroman, samting i no stret na mi rait. Rait i kam long

untok Niuspepa na bai ken sambai tasol long tim. Tenkyu.

Roboke H.Jim,  
Okapa/E.H.D.

## MAIKEL HUSAT

Dia Edita.- Mi bin tim Wantok Nius bilong Trinde, 30 Epril, 1975. Insait long dispela nius mi ritim tok-baik bilong 18-pela bi-p, we ol i tok bai ol makim wanpela man i en kamap olsem holi sel long lukautim PNG Ol i tok dispela man kisim ples bilong Maikel long Heven. Ol wan-wak, taim mi ritim dispela, het bilong mi i en nogut tru bikos dispela tingting em i unim tru save bilong od.

Plis, inap yupela i en tokim mi husat tru n i Maikel, Maikel em nem bilong husat na i em i wanem kain man, n i dai pinis o nogat? Sapos nogat em i stap e nau.

Ol wantok dispela graun klostu i laik pi-is nau olsem na man i aik traिम long kamap olsem God. Taim mi ritim dispela Wantok Nius i no klia tru long anem samting ol 18-ela bisop i toktok ong en.

Ol wantok, save bilong an long dispela graun no inap tru long kam-pim gutpela sindaun.

Gutpela sindaun i kam-p long Heven tasol, apos husat man o meri save tru na i go long even, ol dispela lain ai i kisim gutpela indaun. Tasol long dispela graun nogat tru.

Ol kain kain save i amap nau em i save bilong pinisim dispela raun.

Save bilong man long dispela graun bai ol i traim long kisim gutpela sindaun, tasol mi tokim yupela ol wantok, bai

oli kisim draipela ki- au stret olsem mi makim hia.

Sapos yu husat i laik bekim pas bilong mi, rait tasol i go long Wantok Niuspepa.

Samuel Domoae,  
W.T.C./Vanimo.

Pren, sapos yu laik save gut Maikel em i husat, plis ritim dispela hap Baibel mipela i bin tok long en. Em hia: Revelesen 12,7 na ol sentens nabaut long en.

Baibel i no tok Maikel em i man. Em ensel. Na Bisop ToPaivu i singaut long dispela ensel long lukaut gut long kantri bilong yumi, bikos em i man tru bilong strong na pait. Em tasol.

- Edita -

## KATOLIK SIOS LAIK DAI

Dia Edita.- Mi laik autim liklik wari bilong mi yet.

Yumi ol manmeri i save gut tru olsem haus lotu em i no wanpela haus bilong amamas, singsing na danis. Mi lukim sampela haus lotu ol pater o pris i save putim sosial, soim piksa na singsing na save kisim mani long baim kaikai bilong ol. Na tu long baim sampela samting bilong misin.

Mi no save olsem olgeta hap long graun ol i save mekim olsem, na tu ol i wokim hia long Papua Niugini. Mani ol i givim long misa em inap na hamas mani tru ol i laik kisim?

Long buk Baibel, i gat liklik stori i tok olsem, "sampela man i wok long pilai kat long tempel i stap na Jisas i go na rausim ol i go ausait".

Olsem na mi bilip

strong tru long haus lotu em i mas stap kuait bai ol manmeri i ken go na pre na lotuim God.

Mi ting wanpela samting bilong wanem ol sampela lain bilong yumi yet ol katolik pipel i lusim yumi na joinim narapela sios long wanem lida bilong yumi, ol pris yet, i save mekim olsem liklik

bisnis long haus lotu. Sapos dispela kain samting i go yet, i no longpela taim bai katolik sios bai dai aut. Mi yet mi lukim dispela samting i kamap planti taim, na mi no laik tru. Mi laik sampela ansarim wari bilong mi.

Michael Kuima,  
Maun Hagen.

## TU MINIT TINGTING

### WOK I ONAIM GOD

"Olsem na sapos yupela i kaikai, o dring, o mekim narapela samting, long dispela olgeta yupela i mas wok long litimapim nem bilong God." (1 Kor. 10:31)

Yumi stap long dispela graun long wanpela samting, em hia: bilong onaim God long olgeta ting na tok na wok yumi save mekim.

I tru, olgeta samting i stap long graun bilong givim ona long God. San na mun na sta na binatang na gras na tri na dok na pusi na ol paul - ol i wok long onaim God. Tasol ol i no save tru long em. Ol i mekim nating.

Tasol yumi man, yumi gat tingting na yumi save stiaim tingting. Olsem na God i laik bai yumi yet, long laik bilong yumi, i onaim em. Em i mining o insait bilong dispela tok bilong Baibel i stap antap.

Na bilong litimapim nem bilong God long ol wok yumi mekim, yumi no mas gat wanpela kain beten o tok. Nogat. Yumi mekim long tingting i stap insait long bel bilong yumi tasol. Em inap.

Em hia liklik tok piksa long dispela samting. Yumi save long matematik o skul bilong ol namba, dispela namba ol i kolim not, em ol i raitim "0" olsem tasol... dispela i no gat strong o pawa bilong em. Em i stap nating tasol; i olsem wanpela hul i stap nating. Na yumi bin skul pinis, sapos yumi bungim tupela o tripela "0", em i mekim "0" tasol. Yumi save raitim olsem:  $0+0+0=0$ ... Em tasol.

Tasol nau yu lukim: sapos yumi putim "1" bipo long dispela "0", nau olgeta "0" em i mekim namba i go bikpela moa, olsem 100 na 1000000. Wanem samting i givim strong long dispela not nating? Em wan tasol.

Orait. Em i wankain long yumi tu. Olgeta wok bilong yumi manmeri nating em i olsem wanpela "0" tasol. Em i samting nating. Maski yumi mekim planti wok, em i olsem yumi raitim: 0000000000 tasol. Em i samting nating.

Tasol sapos yumi ofaim olgeta wok long God long moningtaim tru, i olsem yumi putim "1" i go pas long olgeta wok bilong yumi. Na nau bikpela namba tru i kamap, olsem: 1,000,000.

Olsem yumi no ken lusim "1". Em God tasol.



## PRE LONG KRISTEN WOK REDIO

O God, Papa bilong mipela long Heven, mipela i kam long Yu nau, long pre wantaim long wok bilong Kristen Redio Brotkas long olgeta hap bilong dispela graun.

Mipela i tenkyu long Yu long dispela gutpela we bilong autim Gutnius bilong Yu i go kamap long ol man, meri na pikinini long haus bilong ol, long ol haus sik, long ol skul, na long olgeta ples we ol manmeri i stap. Mipela i laik ol Kristen i ken yusim redio long autim Gutnius bilong Bikpela long planti milien pipel.

Tude mipela i pre long wok bilong olgeta Kriste man i wok long autim Gutnius long redio, na lain: ol manmeri long bihainim laik bilong Yu. Mipela pre long Yu blesim olgeta manmeri wan wan i meki wok redio.

Mipela askim Yu long strongim ol long sana strong long gutpela pasin bai ol i ken soim lor ol arapela man long redio. Givim ol inap mani: ol samting bilong helpim ol long wok Yu bin givim ol, bai ol i ken helpim planti manmeri na pikinini long kamap lain bilong Yu, taim oli herim Gutnius bilong Yu.

Mipela i pre tu long olgeta man, meri na pikinini i save harim tok bilong Yu long redio. Mekim planti haiden i ken harim maus bilong Yu yet i tokte long ol Baibel na riding na lotu.

Mipela i pre long olgeta manmeri i stap long Komunis kantri we oli gat tambu long lotu long Yu na long harim tok bilong Yu.

Mipela tenkyu, God Papa long wok bilong Kristen Redio na long olgeta gutpela gutpela prese Yu save givim mipela, long Nem bilong Jisa Kraus, Peman bilong mipela, AMEN.

### DIPATMEN BILONG POS NA TELIPON

#### NUPELA NAMBA BILONG SAMPELA TELIPON NA NUPELA PASIN BILONG RING I STAT LONG 24 ME 1975.

Stat long 9 klok moningtaim long Sarere, 24 Me, Dipatmen bilong Pos na Telipon i laik senisim sampela namba bilong ol telipon long sampela pes na tu i laik senisim pasin bilong ring long singautim sampela man. Long dispela taim, olgeta dispela ples hia i gat 6-pela namba bilong ol: Port Moresby, Waigani, Boroko, Gerehu, Bomana, Sogeri, na Konedobu - ol man i stap long ol i no mas ring "0" pastaim sapos ol i ring long pasin bilong STD na ISD. Bihain long 24 Me, olgeta man long Papua Niugini i ring i go long Port Moresby na ol arapela ples antap i gat nupela namba, ol i mas yusim nupela namba tasol.

#### OL NUPELA NAMBA BILONG PORT MORESBY

Ol telipon long Port Moresby nau i gat namba i kirap long 2, o 3, nau i gat namba 24 i go pas long namba bilong bipo. Olsem bipo em i 2261. Nau em i 24.2261. Bipo 3132. Nau 24.3132.

#### OL NUPELA NAMBA BILONG BOROKO, WAIGANI, GEREHU, BOMANA, na SOGERI

Ol telipon long dispela ol ples nau i gat namba i kirap long 5, o 6, o 7, o 81, o 82. Nau yu mas putim namba 2 paslain long ol. Olsem bipo em i 5.5288. Nau em i 25.5288.

#### OL NUPELA NAMBA BILONG KONE DOBU

Ol telipon hia bipo i gat namba i stat long 43 na 44, nau ol i gat narakain namba olgeta. Olgeta namba bilong ol i stat nau long 25. Olsem bipo em i 4.4143. Nau em i 25.1957. Na ol dispela nupela namba yu ken painim long nupela telipon buk bilong 1975.

#### BILONG RING I GO LONG KAVIENG

Kavieng i no gat yet pasin ISD na STD. Olsem man i laik ring i go long Kavieng, em i mas ring long namba 011, na askim ol wataim em i ken bungim Kavieng.

#### BILONG RING I GO LONG OL VHF NAMBA

Sapos yu laik ring i go long namba ol i raitim VHF bipo long en long buk, orait, yu ring long namba 011, na tokim man yu laik ringim wanem namba. Em bai helpim yu.

#### BILONG RING I GO LONG OL HF AUTSTESIN

Sapos yu laik ring i go long wanpela autstesin i gat HF telipon, yu ring long namba 019 na ol bai bungim yu wantaim long dispela autstesin.

*Nau nupela telipon buk bilong 1975 i redi pinis. Em i gat ol nupela namba, na tu olgeta tok save long nupela pasin bilong ringim sampela namba. Yu go kisim long pos ofis bilong yu.*

## BILUM I KAMAP WE

spela stori i kam hap long Finschha-long Morobe Distrik. arac em wanpela man ng o lain Mape pi-

npela moningtaim arac i kirap long nait yet. Hariap l em stretim banara pia bilong em. Dis- de bai em i go im abus na olkain n. Meri bilong em i m sampela taro long na em karim wan- i. Nogut em i hangre bus.

Meri," em i tok. le bai san i kamap na, mi mas sutim bela pisin bilong kaikai." Ol i save m olsem long dispe- les. Zacqarac i ha- ,nogut san i strong no inap em i bungim isin. Em i sut stret ; bikbus. Em i go moa yet long bus em i kamap long as ng wanpela draipela i.

po yet em i wokim bela lata i go antap stu long liklik ba- bilong diwai. wara ng ren i pulap gut i stap long en. Em bosim dispela na os pisin i kam long vas bai em i sutim . Na bai em pulimap- long basket bilong im i go long ples. ogut ol spia i popa-

ia, olsem na em i bin rausim insait long wan- pela longpela mambu. Na em i putim long ples hait bilong em i go inap long raun wara. Em nau em i hait gut tru long ples hait em i bin wokim antap long diwai tu. Em i sindaun na i wet long ol pisin.

Zacqarac i bin putim spia i go insait long mambu na i redi long sut. Bipo i no olsem, tasol moa moa yet pisin i kam long dispela de. Em ya i no pilai pilai long sutim ol kain kain pisin na tromoi i go daun long graun.

Em i sindaun antap i stap i go na san i go daun. Na em i sutim pi- sin i go inap nau em i laikigo bek long ples. Em i lukluk i go daun nau, em i lukim tupela meri. Man, tupela meri masalai ya! Tupela i wok long mumutim ol pi- sin na pulimapim long bilum bilong tupela.

Em i pret nau na hol- impas long diwai antap na em i stap yet. Em i ting i no gat planti tok tasol tupela bai i kilim em tude tasol. Em i pret na tu, tuhat wantaim na no mekim nais liklik. Na tu i no raus- im tupela; nogat. Tupela i pinisim blut bilong em.

Tupela meri masalai i



lukim em i stap antap yet. Na tupela i tok" "yu no ken pret: yu mas i kam daun. Mitupela i no ken mekim wanem pasin nogut long yu. Mitupela raunim ol pisin i kam nau na yu sutim pinis. Yu no ken pret. Yumi i stap bel isi nau. Yu bai i karim sampela pi- sin na mitupela bai i karim sampela."

Tupela tu, givim wan-

pela bilum long man ya.

Man ya i pret: na i stap nau, tupela i lusim bilum na i go pinis long bus. Liklik taim em i kam daun na spit tru i go long ples. Em i giv- im pisin na tu bilum long ol lain bilong em long ples. Ol i kaikai pisin nau, na i stat long wokim bilum.

Wawariec Qoroa, Kainantu.

## OL KOKONAS KANTRI KIBUNG

Papua Niugini nau i laik join long wanpela bik- pela asosiesen ol i kolim Kokonas Komyuniti bi- long Asia. Moa olsem 10-pela kantri i insait long dispela lain bilong helpim pasin bilong baim na salim na groim ol kopra.



LABOI, MAMA, HET BILONG  
AI I PEN MOA MOA YET




YU NO MAS WARI... KISIM ASPRO  
PASTAIM, BAI PEN I RAUS OLGETA...



TRU TUMAS.. PEN  
I GO PINIS.. MAMA YU SMAT TUMAS..

EM I NO SAMTING BILONG  
MI.. EM I ASPRO TASOL...

NAMBAWAN MARASIN  
BILONG OLGETA PEN.



# YU GO, BAI MI KILIM YU



Sister Sesilia

Long 1 Desemba 1974 3-pela yangpela sister bilong lain ol i kolim OLSH, i mekim las promis na kisim ring long Yul Ailan.

Wanpela long dispela em Sister Sesilia Malaisa. Mama i karim em long Moveave viles long Galp Distrik. Papa na mama bilong Sesilia, tupela i no katolik tasol ol misin bin kamap na stap

wok long ples bilong ol. Olsem na Sesilia wantaim bratasu bilong em ol i kisim baptismo.

Taim Sesilia i bikpela meri pinis, em i save lukim ol sister i skulim ol pikinini, lukautim ol sikman na em i tingting long kamap sister olsem ol.

Em i mangalim ol gutpela pasin bilong ol, na i autim laik long papa, na papa i no laik.

Sesilia yet i go long het sister i bosim ol lain OLSH Sister. Papa i harim olsem Sesilia i go pinis long ol sister na em i belhat tru, na em i kotim het sister na Sesilia long kiap. Sapos i no laik bihainim tok bilong em bai em i kilim Sesilia. Na sapos em i kamap sister, bai em i no moa kolim Malaisa papa bilong em. Sesilia i pret nogut tru.

Kiap i askim Sesilia,

yu laik kamap Sister? Na Sesilia i yes long kiap. Papa hia i lukluk long Sesilia na mekim em i pret nogut. Taim kiap i painimaut olsem krismas bilong Sesilia inap long 21, em i tokim papa olsem, yu no moa bosim em nau. Em i bikpela meri pinis na em inap long bosim em yet.

Kiap i tok long Sesilia olsem: nau bai mi salim het sister na papa bilong yu i go ausait na husat bilong tupela yu laik bihainim bai yu go wantaim em.

Orait kiap i salim het sister i go ausait. Taim sister i go, Sesilia i go bihainim em. Tarangu papa hia no gat toktok bilong em na i pulap tru long kros na i pas olgeta.


Sesilia i go long haus bilong ol sister. Taim Sesilia i lukim papa em i pret nogut tru gen. Em i ting papa bai paitim em na pulim em i go

bek gen long ples. Taim papa i kam tokim em sem: sapos yu laik kamap sister, yu mas kamap gupela Sister. Em tok bilong em.

Sesilia i go i trening bilong em. Long 1970 em i mekim na wan promis bilong erputim medal na kros long ol OLSH. Em na kamap sister na ol kolim em Sister Sesilia

Long namba 1 de bilong Desemba, 1974, Sister Sesilia i mekim las promis bilong em. Dispromis i min olsem, em i givim em yet 1 God na Sios inap 1 em i dai.

Taim em i kisim i bilong i stap want God, papa hia i aman na em wantaim meri long em tupela yet i long misa na long t bilong Ofertori i wantaim Sesilia na pela narapela sister bringim ofa long alt



**Kamap strong  
wantaim**

**VEJEMAIT**

Sapos yu laikim ol pikinini i kamap strong, yu mas givim gutpela kaikai long ol. VEJEMAIT em i dispela gutpela kaikai. Long wanem ol i save wokim long gutpela samting i stap insait long ol kiau. Em i gat planti Vitamin "B", nambawan kaikai bilong strongim bun na mekim skin i klinpela moa.

Yu ken putim VEJEMAIT long bret o bisket; yu ken tanim wantaim sup o rais o arapela kaikai.

Sapos yu laik dringim gutpela samting, yu ken tanim VEJEMAIT wantaim hatpela wara o susu.

Yu ken baim VEJEMAIT long ol kain kain liklik botol na bikpela liklik. Yu ken baim tu long glas, na dispela yu ken yusim gen bilong dringim wara.



i min nambawan  
kaikai

4252

## SPESEL MEDAL LONG KWIN



*Poto antap yumi lukim Mista Geni Ambo, Siaman ilong Bavaroko Praimeri Skul i stap givim prais ong 3-pela sumatin i win long en.*

*Long lephan i go olsem long raithan yumi lukim ou Durama i kamap namba wan long resis bilong ikinini king na pikinini kwin. Moipe Maki na ila Jack i bin kamap namba wan olsem pikinini win. Moa long 300 papamama na tisa i bin kam na ukluk long dispela resis.*

*Het tisa bilong Bavaroko Praimeri Skul, Mista ore Nihara i amamas tru long lukim ol papamama mekim olsem.*



Praivet Tom Hagasave

Long Me 15, Praivet Tom Hagasave bilong PNG Difens Fos i bin kisim wanpela medal bilong Kwin long Wewak.

Praivet Hagasave em i draiva bilong Transpot Platun long Moem Bareks. Long Julai 1 long las yia em i bin draivim wanpela bikipela trak long taim ol soldia i wok bus klostu long Nagum Riva.

Taim em i tanim long


ples i go daun, brek bilong trak i lus na i spit nating i go daun long maunten. Em i no laik bihainim narapela trak olsem na em i draivim trak i go insait long bus na i daun moa inap 50 mita. Na trak i stop long taim em i pas long sampela bikipela diwai.

Mesa Jeneral Baddcock bilong Inglan i givim dispela medal bilong Kwin long Praivet Hagasave, bikos em i soim em i strong.

Planti pas bilong tok amamas i bin kam long Kwin, na Praim Minista bilong Australia, Mista Gough Whitlam; Difens Minista bilong em, Mista Barnard; na Komanda bilong PNG Difens Fos Brigadia Norrie.

Praivet Hagasave em i gat 32 krismas na i bilong Isten Hailans.

## PENTA-VITE



## PENTA-VITE

**DISPELA  
MARASIN I BILONG  
STRONGIM OL  
PIKININI  
NA MEKIM OL I GRO  
KWIKTAIM**

**yu ken baim long olgeta stua marasin**



## EMBOGO

Long 9 Me, Namba Wan Minis i kam long Popondetta bilong pela EMBOGO TRENING SENTA.

Em i amamas tru long dispela ol man i skul long fiksima na wokim smolpela rot, na br: ol sip na bris bilong ol ka i

Autbot Moto Kampani bilong i i bin kisim 7-pela mekanik bil im skul bilong ol inap long 3



\* Antap long lephan Mista M Daugi, Rijonal Memba bilong Sentral Distrik, i tok welk Mista Somare. Em i tok dispel no samting bilong Papua tasol. pela i gat ol skulboi bilong tu. Mipela Papua hia i no ins taim Mis Abaijah na Papua Besar

\* Ol lokal pipel i bin autim long ol long wanem ol i sot lo na Namba Wan Minista hia i li makim long mep olgeta hap grau i laik bekim bek long ol man bilong dispela graun bipo.

\* Poto long lephan daunbilo i s ta Alkan Tololo, Dairekta bil kesen, i traim save bilong skul long pasin bilong fiksi moto.

\* Long raithan yumi lukim ol ma ples i kam wantaim Michael Som i singsing i kam. Long sampela ol i putim Namba Wan Minista bilong ol na karim i kam. Em p long bringim bikpela man i ples bilong ol.







## NG SENTA

\* Long ples balus bilong Popondeta ofisa bilong ol plisman na kiap bilong ples i bungim na welkam long Mista Michael Somare.

\* Namba Wan Minista i tok amamas long ol tisa na studen bilong Embogo Trening Senta. Skul i gat biknem long skulim ol man long fiksimum autbot moto na wokim olkain rot.



**YU TING TUPELA POTO I WANKAIN? NOGAT.**



Long taim bilong independens bai i gat planti kwaia i sarnap na resis long singsing olsem dispela tupela lain boi hia. Sapos yu ting mipela i bin poto long ol, na mipela i longlong na putim tupela wankain poto long ol long dispela niuspepa, em i asua bilong yu. Mipela i bin painim 10-pela samting i narakain long tupela poto na mipela i ting yu tu yu inap painim. Orait, nau yu go traim.....  
Yu go resis long dispela samting wantaim poroman. Goan.

**NO GAT PE  
NO GAT MOTU**

Michael Somare i tok, gat moa olsem 6,300 au bot moto long PNG na gat samting olsem 2,0 i save ran.

Olsem i gat planti w bilong ol moto mekeni Gavman i bin lus K40,000 long Embogo Training Skul bilong skul ol dispela kain mekeni.

Michael Somare i b givim sampela gutpe na strongpela skul i long ol mekenik long p sin bilong wok bisnis Em hia tupela lo:

(1) Yu no ken mekim w nating; ol wantok tu mas baim wok.

(2) Yu no ken givim sp pat o moto yu fiks pinisi go bek, bipo m i baim yu. Nogat tru.

KALSA em i wanem sam ting tru? Em kaving? I pasin tumbuna? Yu tin na rait long mipela.



**I STAP LONGTAIM, KOSTIM LIKLIK, PASIM REN TU**

I no kostim planti bilong pasim silva pepa Saisalesen aninit long ruf na long banis bilong haus. Maski haus i olupela o i nupela yet, Saisalesen i ken mekim em i kol insait.

Silva pepa Saisalesen i no save bruk bruk nabaut; i no ken sting; i no ken larim wara i kam insait. Sapos yu laikim wampela samting inap tru long pasim hat bilong san, yu kolim nem Saisalesen tasol. Em inap.

Distributors:  
Burns Philp (N.G.) Ltd.  
New Guinea Company Ltd.  
Steamships Trading Company Ltd.

**STREGIS-ACI**

SR 12/75

# ATING YU HARIM TU DISPELA TOK ?

## Nupela haus palmen

Bihain long Independens bai oli wokim nambawan haus tru bilong gavman, em Haus Palmen inap tru long Haus ov Asembli bilong PNG.

Nau sampela saveman i wok long droim olkain plenopiksa bai ol wokman i ken bihainim taim ol i wokim nupela haus.

Sampela man i save ting bai Australia yet i baim olgeta wok bilong dispela bikpela haus na bai i olsem presen i go long PNG bilong independens bilong en.

## BISNISMAN LUKIM SAINA

Sir Maori Kiki, Minis-ta bilong Foren Rile-sens na Tret i bin salim wanpela lain man. i go lukluk raun long olkain samting yumi inap baim long kantri Saina. Ol i

bin go long wanpela fea o so long biktaun nem bilong em Kwangchow.

Olgeta yia yumi PNG i save baim olkain kago inap long K3 milien long Saina yet. Yumi laik save long olkain masin na pasin didiman bilong ol

Namel long dispela ol man i go, em wanpela bilong Namasu long Lae.

Saina i gat planti ol samting long salim long yumi: laplap, kaikai, marasin, na masin.

## PRINIM PLAK

Tripela yangpela man i bin statim bisnis bilong prinim olkain tok na poto long ol T siot long Port Moresby i bin kisim nau orait long prinim 300 nupela plak bilong Independens De.

Nem bilong tripela man em hia: Rick Tobe, Julian Goa, na Dick Ku-

rukuru. Ol i save prinim tu ol klos na mat na ol kain samting olsem.

## Tok Motu diksineri

Wanpela lain saveman i pinisim pinis wanpela diksineri bilong tok Motu. Diksineri em i wanpela buk i gat olgeta tok na lo bilong wanpela tok ples.

Tok Motu i olsem tok pisin bilong Papua.

Dispela buk bai gat samting olsem 100 pes na gavman ofis bilong tok save bai prinim.

Nem tru bilong dispela tok ples em Hiri Motu.

Namba wan taim S.I.L. i bin raitim dispela diksineri long 1961.

I luk olsem bihain long independens tok Motu na tok Pisin tupela bai kamap tok ples bilong planti pipel na ples bilong PNG.

## STRETIM PINIS

## TOK LONG

## GRAUN

Lain man long Wewak i bin tok kros bipo long gavman na misin long sampela hap graun, i bin tok orait nau long kisim dispela K100,000 gavman i bin makim olsem bekim long ol. Nau ol i mas painim rot long tilim dispela mani i go long samting olsem 200 man i tok ol i papa bilong graun.

Gavman na misin tu i orait long bekim sampela hap graun ol i no yusim na i stap nating. Tokman bilong lain ya, em Kaunsila John Kasua, i laik save wanem hap graun tru bai ol i kisim bek. Gavman i tok masta mak i mas taitim lain bilong em pastaim na painimaut ol arere na ston bilong em.

# TOYOTA TRAK

# OL DISPELA I NAMBAWAN TRU



# TOYOTA

**EIA**  
MOTORS LIMITED

**Burns  
Philp**  
and  
Granger

# SINGER

\*A Trademark of The Singer Company



**PREN BILONG YU INAP OLTAIM**

# Kibung bilong makim 1144 Sister

Ating planti pipel i save klostu hap bing ol Sister Katolik i lokal Sister.


Yu lukim: long PNG ret i gat 1009 Sister: 5 i lokal na 634 ol i ropien. (37%)

Long PNG na BSIP (Solomon Ailan) i gat 42 in kain lain Sister.

Insait long PNG em hia pela daiosis i win moa ng lokal Sister:

| es      | Lokal Sister | Yuro-pien. |
|---------|--------------|------------|
| abaul   | 165          | 99         |
| Moresby | 59           | 65         |
| ugainv. | 48           | 52         |
| dang    | 34           | 49         |
| wak     | 27           | 59         |

Namel long ol nupela Tisa tupela lokal Sister i kisim namba. Em Sister Catherine bilong Hailans i namba presiden; na Sister Margaret Ani, em tu bilong Saten Hailans, i wamp namba tu seketeri.



*Long 4 inap long 8 Me i gat 100 ol Sister, ol i deliget bilong 28 kain kain lain Sister bilong PNG na Solomon Ailan, i kibung i stap long Sen Benedik Tisa Trening Koles long Kaindi/Wewak. Poto i soim ol i miting i stap. Long raithan em lida bilong ol, Sister Mary Petrosky. Ol i bin ilektim ol nupela ofisa: oltaim wampela Yuropien Sister na wampela Lokal Sister na ol i harim gut na bihainim ol aidia bilong ol lokal Sister deliget.*

## BIKPELA PE BILONG PAINIM MANI I LUS

NAMEL LONG NAMBA 22 DE NA NAMBA 28 DE LONG EPRIL, 1975, WANPELA MEKPAS I GAT FAIVPELA TEN TAUSEN KINA (K50,000) I LUS PINIS LONG POS NAMEL LONG BOROKO POS OFIS NA KUNDIAWA TAIM OL I BIN SALIM I GO LONG OFIS BILONG PAPUA NIUGINI BENKING KORPORESEN LONG KUNDIAWA.

OLGETA LONG DISPELA BIKPELA MANI I BIN LUS PINIS I STAP LONG KONDA O PEPA MANI, NAMBA BILONG EN OLSEM TEN KINA (K10).

PAPUA NIUGINI BENKING KORPORESEN I LAIK TOK SAVE BAI I GIVIM BIKPELA PRAIS INAP LONG WAN TAUSEN KINA

K1,000

LONG HUSAT MANMERI I KEN KAMAPIM SAMPELA TOKTOK LONG PAINIM DISPELA MANI I BIN LUS O KOTIM TRU HUSAT MAN I BIN STILIM.

BIKPELA BOSMAN (MANAGING DIRECTOR) BILONG PAPUA NIUGINI BENKING KORPORESEN EM WANPELA TASOL BAI KEN TOK ORAIT LONG MAKIM HUSAT KISIM DISPELA PRAIS SAPOS OL I PAINIMAUT DISPELA BIKPELA MANI I LUS PINIS I STAP WE.


HUSAT MANMERI I GAT SAMPELA SAVE O TOKTOK LONG DISPELA FAIVPELA TEN TAUSEN KINA (K50,000) I BIN LUS O HUSAT I KISIM DISPELA MANI, OL I MAS GO KWIKTAIM LONG POLIS NA TOK STIL LONG OL. DISPELA TOK HAIT POLIS I NO KEN TOKAUT LONG EN.

BIKPELA BOSMAN (MANAGING DIRECTOR)  
PAPUA NIUGINI BENKING KORPORESEN

## The Phantom

®

By Lee Falk and Sy Barry





long Kimberleys, long Not Wes Australia. Patrick Dodson em i katolik pris na em i bilong kongrigesen o lain misinari bilong Sekret Hat. (M.S.C.)

Bisop John O'Loughlan bilong Darwin i bin givim Sakramen bilong Odo long Pater Patrick.

Pastaim bai Pater Patrick Dodson i wok long Daiosis bilong Darwin, long Noten Teritori, wantaim narapela pris inap 12 mun namel long ol wanskin bilong em yet.

Bipo long Patrick Dodson i kamap pater, em i wok 12-pela mun wantaim ol pipel bilong em, na lainim olgeta kain we na pasin bilong ol tumbuna bilong em. Pater em i man bilong mekim olkain pilai.

Pater Patrick Dodson i bin kamap long Broome Em i mekim praimer skul long wanpela liklik taun ol i kolim Kathrine, na haikul long Monivae long distrik bilong Victoria. Em i bin tisa tu bipo.

Poto hia i soim namba wan lokal pris bilong ol blakskin pipel ilong Australia, Pater Patrick Dodson. Em i in kamap pris long 17 e bilong dispela mun. au pater i gat 27 yia. Pater Dodson i bilong ain Yaoro long hap bi-



**KLOK BISNIS**

Bihain Mista Savara eke bilong Kerema i bin ren moa olsem 15 yia ong Port Moresby long iksim olkain hanwas, em kirap statim bisnis ilong em stret.

Em i bin opim Tik Tok as Ripea Stua long Lae antaim helpim bilong ipatmen bilong Bisnis developmen.

Bihain em i statim narapela stua long Arawa na Port Moresby yet.

Em i kisim gen dinau long Developmen Beng.

Em i save kisim plan-i wok i kam long ol outstesis na dabolim wantaim wok ol man i save bringim i kam long stua bilong em.

Kaunsila Donigi Samuel bilong ples Lowan i bin tokim bikpela kibung bilong Wewak But Kaunsil long namba 15 de bilong dispela mun olsem, ol pipel long ples bilong em i laik peim moa takis i go long dispela kaunsil bai kaunsil i ken helpim ol wantaim olkain wok bisnis bilong ol.

Ol i bin orait pinis long peim K20 na i no K10. Em i tok olsem ol pipel i laik mekim olsem bai gavman na kaunsil i ken wokim ol gutpela rot bai ol inap long bringim ol samting na ol kaikai olsem kopra, kakau, na kopi, i go long maket kwiktaim. Long dispela taim ol pipel i painim hat tru long salim ol samting bilong ol bikos i no gat gutpela rot i go kamap long hap bilong ol.

Ol pipel i laikim bai kaunsil i wokim gut gen dispela rot nau i go kamap long ples bilong ol.

**BAIM WANTOK**

Sapos yu wanpela yu laik kisim WANTOK i kam long yu stret, orait yu salim dispela tiket i kam;

Mi laik kisim WANTOK niuspepa inap wan yia olgeta. Nau mi salim K5 (\$5.00) i kam;

Nem: .....

Adres: .....


Salim i kam long:

WANTOK - P.O. BOX 396 - WEWAK


**Nau yu ken kisim tok i kam long olgeta hap bilong graun**

Ating yu laik harim tok i kam long Englan.....  
 o yu laik harim musik i kam long Yurop .....  
 o kisim Sydney o Melbourne o Canberra.....  
 o yu laik kisim olgeta stesis bilong Papua Nu Gini.....


ORAIT, YU BAIM DISPELA REDIO NA YU WIN.



**R 358 B**  
 Deluxe Portable (3 Band MW/SW1/SW2)  
 12 Transistor 4 - Diode  
 2 Speakers with big output  
 Easy to read "Magic Meter"



**R 247JB/HB**  
 A/c/Battery operation 2 Band MW/SW  
 8 Transistor in Leatherette Cabinet




**RF 399**  
 Tuned RF Stage, 12 Transistors  
 3 Band (MW/SW1/SW2)  
 Signal strength meter  
 fine tuning.



**BURNS PHILP (New Guinea) LTD**  
 i save salim na fiksिम



# DISPELA ASPRO BILONG OL PIKININI



# JUNIOR

...em i swit... ol i tanim wantaim wara bilong muli

Wok bilong em bilong rausim:

## FIVA - HET I PEN TIT I PEN - KUS

**ASPRO**  
REGD. TRADE MARK

# JUNIOR

**Skel bilong givim long ol pikinini i olsem:**

Pikinini i gat

1 inap 2 yia = kisim 1-pela kinin Aspro Junior

2 inap 4 yia = kisim 2-pela kinin Aspro Junior

4 inap 7 yia = kisim 3-pela kinin Aspro Junior

7 inap 12 yia = kisim 4-pela kinin Aspro Junior

Givim marasin olgeta 4-pela 4-pela aua.

*Tambu long givim Aspro long pikinini i no gat 1 yia yet.*

## YU KEN BAIM LONG OL STUA MARASIN